



PRIMLJENO: 06-11-2024		
Organizaciona jedinica	Klasifikacija	Broj prijema
01	04 46892	-102

Broj: 07-19-3860/24
Sarajevo, 01.11.2024. godine

Bosna i Hercegovina
Federacija Bosne i Hercegovine
Kanton Sarajevo
SKUPŠTINA KANTONA SARAJEVO
Sekretar Skupštine Kantona Sarajevo

Predmet: Odgovor na dostavljenu zastupničku inicijativu upućenu na radnoj sjednici Skupštine Kantona Sarajevo

Veza: Vaš akt broj: 01-04-46892-36/23 od 16.10.2024. godine

Dana 24.10.2024. godine, Zavod za planiranje razvoja Kantona Sarajevo (u daljnjem tekstu: Zavod) je zaprimio zastupničku inicijativu zastupnice Sanele Klarić, upućenu na sjednici Skupštine Kantona Sarajevo. Inicijativom se traži da se projekti rekonstrukcije fasada na objektima koji su zaštićeni kao kulturno historijsko naslijeđe KS, tretiraju dodatno i kroz mjere energetske efikasnosti i zelenog certificiranja prema najnovijim i najboljim praksama u EU. Navodi se da je Kanton Sarajevo usvojio Zeleni Akcioni plan, te se obavezao do 2030. godine ostvariti ciljeve potpune dekarbonizacije, a radi održivog razvoja i obaveza prema usvojenim dokumentima, potrebno je aktivnosti obnove fasada i zamjene prozora objekata usmjeriti i uvezati sa aktivnostima i mjerama energetske efikasnosti i obnovljivim izvorima energije odnosno svim mjerama zelenog certificiranja.

Postupajući po predmetnoj inicijativi ističemo da je članom 23. Zakona o ministarstvima i drugim organima uprave („Službene novine Kantona Sarajevo“ broj 40/22), određeno da je djelokrug rada Zavoda izrada planova prostornog uređena, planiranje prostornog i društveno-ekonomskog razvoja, rad i razvoj geografsko-informacionog sistema Kantona kao i drugi poslovi po nalogu Vlade KS.

Odredbama Zakona o prostornom uređenju KS („Službene novine KS“ br. 24/17 i 1/18) (u daljem tekstu: Zakon), definisano je da je nadležnost Zavoda izrada prostorno-planske dokumentacije (prostorni planovi, urbanistički planovi, regulacioni planovi i sl.), dok je usvajanje i provođenje usvojene planske dokumentacije u isključivoj nadležnosti općinskih organa.

Shodno navedenom, Zavod planskim dokumentima definiše načela planskog uređenja prostora, korištenje i namjenu prostora, utvrđuje urbanističko-tehničke uslove i smjernice za uređenje i zaštitu prostora i građenje, dok nadležni organ, donosi upravni akt (urbanističku saglasnost) kojim se definišu preduslovi za projektovanje i promjene u prostoru u skladu sa planskim dokumentima, odnosno

urbanističko-tehničke i druge uvjete koji nisu utvrđeni planskim dokumentima, uz saglasnost kantonalne ustanove za zaštitu kada su u pitanju objekti kulturno-historijskog i prirodnog naslijeđa. Obzirom da se shodno Zakonu, građenjem smatraju i radovi rekonstrukcije, dogradnje, nadogradnje, promjene namjene, sanacije, revitalizacije, konzervacije, izgradnje privremenih građevina i uklanjanje građevina, to se i za navedene radove obezbjeđuje urbanistička saglasnost i odobrenje za građenje.

Dodatno ističemo da je izradom razvojnih planskih dokumenata predviđen niz mjera u cilju postizanja održivog razvoja, a neke od tih mjera jesu i povećanje energijske efikasnosti objekata, korištenje obnovljivih izvora energije i zaštita okoliša. Kroz detaljnu plansku dokumentaciju se planira snabdijevanje objekata toplotnom i električnom energijom iz javnog komunalnog sistema (daljinsko grijanje, prirodni gas, električna energija) ali se i podstiče korištenje obnovljivih izvora energije.

Iz svega iznesenog proizilazi da predmetna inicijativa nije u nadležnosti Zavod, ali kroz izradu prostorno-planske dokumentacije i u djelokrugu svog rada, Zavod će u najvećoj mogućoj mjeri uvažavati i podržavati provođenje prakse održivog razvoja.



Faruk Muharemović, Mr. dipl.ing.arh.

Dostaviti:

- naslovu
- Sekretar Vlade KS
- a/a